

奉節縣志卷三十二

紀事志

西蜀古稱天下險英雄割據正統惟漢烈餘  
皆僭竊其事亦多可紀然建都皆不在夔集  
隘不能備錄擇其有關於夔者載之以備法  
戒之大略志紀事

周

襄王十八年夔子不祀祝融與鬻熊楚成得  
臣鬬宜申帥師滅夔子歸左傳

奉節縣志

卷三十二

紀事

東漢

建武元年公孫述夢人謂己曰公孫系十二  
為期以語婦婦曰朝聞道夕死尙可何況十  
二乎會夏四月龍出府殿前以為瑞應述遂  
稱皇帝號大成建元龍興以莽尙黃乃服色  
尙白自以興西方為金行也華陽國志

隗囂使馬援往觀述援素與述同里閭相友  
善既至述盛稱陛衛拜畢就館更為援置都  
布單衣交讓冠會百官於宗廟中立舊交之



位述鸞旗旄騎警蹕就車磐折而入禮饗官屬甚盛欲授援以封侯大將軍位賓客皆樂留援曰天下雌雄未定公孫不吐哺走迎國士反修飾邊幅如偶人形何足久稽天下士乎因辭歸告囂曰子陽井底蛙耳而妄自尊大不如專意東方

後漢書

述使侯丹開白水關北守南鄭任滿從閬中下江州東據扞關於是盡有益州之地

後漢書

義熙元年譙縱自號梁秦二州刺史繼稱成

奉節縣志

卷三十二

紀事

二

都王八年劉裕以朱齡石爲益州刺史率將軍臧熹蒯恩劉鍾等伐蜀裕與齡石密謀曰往年劉敬宣出黃虎無功而還賊謂我今應從外水往而料我當出其不意猶從內水來也如此必有重兵守涪城備內道若向黃虎正墮其計今以大眾自外水取成都疑兵出內水此制敵之奇也而慮此聲先馳賊審虛實別有函書封付齡石署函邊曰至白帝乃開九年齡石等至白帝發書眾軍悉從外水



取成都臧熹從中水取廣漢老弱乘高艦從  
內水向黃虎諸軍倍道兼行縱果使譙道福  
以重兵守涪城備內水齡石至平模去成都  
二百里縱遣暉夾岸築城拒之齡石攻克北  
城斬暉南城亦潰於是舍船步進賊望風相  
次奔潰縱棄城出走齡入成都誅縱宗親縱  
投道福不納乃縊死

綱目

後漢

先主姓劉氏諱備漢景帝之子中山靖王勝

奉節縣志

卷三十二

紀事

三

後也祖雄父宏世仕州郡

三國志

章武二年帝伐吳自巫峽建平連營至夷陵  
界立數十屯自正月與吳相拒至六月不決  
遣吳班將數千人於平地立營吳將帥欲擊  
之陸遜曰此必有譎且觀之帝知計不得行  
乃引伏兵八千從谷中出遜上疏權曰夷陵  
國之關限失之則荊州可憂臣初嫌彼水陸  
俱進今反舍船就步處處結營察其布置必  
無他變矣乃先攻一營不利遜曰吾已曉破



之之術敕各持一把茅以火攻拔之遂率諸  
軍同時俱攻破四十餘營帝升馬鞍山陳兵  
自繞遂促兵四面蹙之士崩瓦解死者萬數  
帝夜入白帝城舟械軍資略盡帝慙恚曰吾  
乃爲陸遜所折辱豈非天耶綱目  
帝居魚復縣改曰永安丞相亮聞而嘆曰法  
孝直若在則能制主止使不行就復東行必  
不傾危矣孫權聞帝住白帝甚懼遣使請和  
帝許之遣大中大夫宗璋報命三國志

奉節縣志

卷三十二

紀事

四

三年春二月丞相亮自成都到永安帝病篤  
托孤於丞相亮曰君才十倍曹丕必能安國  
終定大事若嗣子可輔輔之如其不才君可  
自取亮涕泣對曰臣敢不竭股肱之力効忠  
貞之節繼之以死先主又爲詔勅太子曰汝  
與丞相從事事之如父尚書令李嚴爲副夏  
四月癸巳帝殂於永安宮時年六十三五月  
梓官自永安還成都謚曰昭烈皇帝秋八月

葬惠陵

三國志



南北朝

大寶元年梁武陵王紀移告征鎮使世子圓  
照帥兵受湘東王繹節度繹授以信州刺史  
令屯白帝 綱目

紀至西陵軍勢甚盛陸法和築二城於峽口  
兩岸運石填江鐵鎖斷之梁主拔任約於獄  
使助法和紀築連城攻絕鐵鎖梁主復拔謝  
答仁於獄配兵助法和紀遣侯劼與法和相  
拒紀頓兵日久頻戰不利又聞魏寇深入成

奉節縣志

卷三十二

紀事

五

都孤危憂懣不知所為乃遣樂奉業詣江陵  
求和奉業啟梁主曰蜀軍乏糧士卒多死危  
亡可待梁主遂不許和紀以黃金一斤為餅  
餅百為篋至有百篋銀五倍之錦絲稱是每  
戰懸示將士而不賞後為樊猛所敗其子圓  
照等下獄絕食十二日而死 綱目

唐

河間王孝恭高祖從父兄子也武德二年拜  
信州總管獻平蕭銑之策高祖嘉納之三年



進爵爲王改信州爲夔州

崔甯始入朝留寬守成都子琳乘間起瀘州以精騎數千襲據其城寬戰力屈甯妾任素驍果卽出家財十萬募勇士得千人設步隊自將以進子陵大懼會糧盡且大雨引舟至廷乘而去子琳本瀘南賊帥旣降詔隸劍南節度屯瀘州杜鴻漸表爲刺史旣敗收餘兵沿江而下諸刺史備牲牢饗士過黃草峽守促使王守仙伏兵五百子琳前驅至悉禽之

奉節縣志

卷三十二

紀事

六

遂入夔州殺別駕張忠城守以請罪授峽州刺史移澧州鎮遏使後歸朝賜名猷

新唐書

五代

趙匡凝失荆襄弟匡明以其孥奔蜀建因得

夔峽忠萬等州

舊五代史

唐師未起時僞東川節度使宋承葆云請於嘉州沿江造戰艦五百艘募水軍五千自江下峽臣以東師出襄鄧水陸俱進東北沿邊嚴兵拒險南師出江陵利則進取否則退保



硤口又選三蜀驍壯三萬急攻岐雍東據河  
潼北招契丹啗以美利見可則進否則據散  
關以固吾圍衍不從

舊五代史

董璋遣兵築七塞於劍門孟知祥遣趙季良  
詣璋修好還言璋貪殘好勝終必爲患西川  
指揮使李仁罕張業欲置晏召知祥有尼告  
二將欲害知祥詰之以狀斬之屏左右獨詣  
仁罕第仁罕叩頭流涕曰老兵惟盡死以報  
德由是諸將親服知祥璋同上表言兩川聞

奉節縣志

卷三十二

紀事

七

朝廷於閬中建節綿遂益兵無不憂懼唐主  
以詔書慰諭之璋召武虔裕囚之閬民兵皆  
剪髮黥面於劍門北列烽火知累表請雲安

鹽監許之

綱目

宋太祖詔伐蜀遣王全斌崔彥進等出鳳州  
劉光乂曹彬等出歸州昶遣王昭遠趙彥韜  
等拒命全斌至三泉遇昭遠擊敗之昭遠焚  
桔柏江浮橋退守劍門軍頭向韜得蜀降卒  
言來蘇小路出劍門南清疆店與大路台全



斌遣使延德分兵出來蘇北擊劍門與全斌夾攻之昭遠彥韜敗走皆見擒劉光乂攻夔州夔州守將高彥儔戰敗自焚死昶命李昊草表以降時乾德三年正月也自興師至昶降凡六十六日初昊事王衍衍之亡昊爲草降表至是又草焉蜀人夜表其門曰世修降

表李家

五代史

宋

李順攻夔州白繼贊敗之於西津口斬首二

奉節縣志

卷三十一

紀事

八

萬獲舟千餘艘上官正復連破賊於廣安嘉陵合州賊進攻陵州又爲知州張旦所敗八月正等大敗張餘復雲安軍

續綱目

元

開熙四年命征西將軍楊和等伐蜀初昇遣莫仁壽以鐵索橫斷瞿唐口北倚羊角山南倚南城砦鑿兩岸石壁引鐵索爲飛橋用木板置礮以拒敵和軍至不得進友德馳至峽集諸軍聲言出金牛潛引兵趨陳倉行抵階



州敗其將丁世珍克其城遂拔階文綿漢四

州明綱目

廖永忠進兵至瞿唐關山峻水急蜀人設鐵索橋橫據關口舟不得進永忠密遣數百人持糗糧水筒舁小舟踰山度關出其上流蜀山多草木令將士皆衣青篲衣魚貫走崖石間度已至率精銳出墨葉渡夜五鼓分兩軍攻其水陸寨水軍皆以鐵裹船頭置火器而前黎明蜀人始覺忠已破六寨會將士舁舟

奉節縣志

卷三十二

紀事

九

出江者一時俱發上下夾攻大破之遂入夔

州明史

明

崇禎十二年官軍圍李自成於巴山魚復諸山中自成大困欲自縊養子雙喜勸而止明史十七年春獻忠陷夔州至萬縣水漲留屯二月破涪州敗守道劉麟長總兵會英兵進陷

佛圖關破重慶明史